

PROVOĐENJE PROJEKTA EVROPSKE UNIJE U REGIJI SJEVEROZAPADNE BiH

BROJ 2

Bilten Razvojne agencije USK – projekt finansira Evropska unija IPA program za "Bosnu i Hercegovinu"

U FOKUSU

EU podržala Razvojnu agenciju USK

Potpisivanjem ugovora o implementaciji projekta „Unaprjeđenje kapaciteta RA USK i podrška ekonomskom razvoju u sjeverozapadnoj BiH“ između Delegacije Evropske unije (DEU) u BiH i Razvojne agencije USK (RA USK), započele su aktivnosti izgradnje kapaciteta RA USK i pružanja podrške svim ključnim interesnim grupama u procesu regionalnog razvoja na području USK i sjeverozapadne BiH.

RA USK je javna ustanova i neprofitna organizacija, koju je osnovala Skupština USK sa svrhom da koordinira, planira, implementira i promovira razvojne aktivnosti u regiji.

Uzimajući ovo u obzir, RAUSK će koordinirati procesom izrade i implementacije strateškog plana razvoja USK, osigurati podršku za male i srednje poduzetnike te učestvovati u projektima koji su usmjereni ka stvaranju boljeg poslovnog okruženja. Jedan od glavnih zadataka RA USK je podrška javnom sektoru u procesu lokalnog i regionalnog razvoja, te podizanje njihove sposobnosti da apsorbiraju sredstva iz EU i drugih raspoloživih fondova.

U skladu sa gore navedenim zadacima, RA USK je u veoma kratkom roku uspostavila osnovne funkcije i stvorila pretpostavke kako bi mogla biti podržana od strane DEU, što je na koncu rezultiralo odobravanjem ove

podrške i potpisivanjem ugovora sa DEU.

Implementacija projekta je zvanično počela u julu 2012. godine i teći će do juna 2014. godine.

Ukupna vrijednost projekta iznosi 396.648,00 € od čega je DEU osigurala 202.290,48 €.

Socio-ekonomski značaj projekta za regiju

Proces uspostavljanja regionalnih razvojnih agencija u BiH je započeo prije desetak godina uz podršku Delegacije Evropske unije u BiH. Cilj ovog procesa je generiranje ekonomskog rasta i zapošljavanja kroz ciljanu podršku konkurentnim ekonomskim sektorima, doprinoseći održivom ekonomskom razvoju. Dok su se ovi procesi u svim drugim dijelovima BiH odvijali u skladu sa očekivanjima, u sjeverozapadnoj BiH su postojale prepreke koje su onemogućile instaliranje i razvoj ovih institucija gotovo punih 10 godina.

Posljedica toga je nedostatak kapaciteta za ekonomski razvoj u sjeverozapadnoj BiH, što je rezultiralo manje razvijenim poslovnim okruženjem i sporijim ekonomskim razvojem ove regije u odnosu na druge regije u BiH.

Imajući u vidu navedeno, Vlada USK je inicirala formiranje RA USK, koja će koordinirati implementacijom strateškog plana i koja će osigurati adekvatnu podršku svim sudionicima u procesu lokalnog i regionalnog razvoja.

Uspostava organizacije koja će u realno prihvatljivom vremenu steći potrebne kompetencije i preuzeti ovako kompleksnu zadaću je složen proces kojeg nije moguće provesti bez podrške ključnih aktera razvoja u BiH.

Podrška koju je RA USK osigurala od EU je time značajnija, jer se radi o prvom projektu u oblasti regionalnog razvoja za koji je jedna kantonalna institucija osigurala podršku DEU sredstvima iz IPA fonda. Na ovaj način je potvrđena spremnost i sposobnost institucija u USK da uhvate korak sa drugim regijama u BiH i da se založe za brži proces lokalnog i regionalnog razvoja, koristeći pri tome sve dostupne resurse uključujući značajnu podršku EU koja je putem IPA instrumenta na raspolaganju institucijama i svim učesnicima razvoja u Bosni i Hercegovini.

U ovom izdanju:

Provođenje projekta Evropske unije u sjeverozapadnoj BiH



Socio-ekonomski značaj projekta za regiju



Ciljevi i rezultati projekta



Projekt implementira
Razvojna agencija USK

Miroslava Krlježe 2
Bihac 77000, BiH
Tel: +387 37 221 784
Fax: +387 37 221 784



Ovaj projekt finansira
Evropska unija

Delegacija Evropske unije
u Bosni i Hercegovini
Skenderija 3a
Sarajevo 71000, BiH
Tel: +387 33 254 700
Fax: +387 33 666 037

"Ova publikacija je urađena uz pomoć Evropske unije. Sadržaj publikacije je isključiva odgovornost Razvojne agencije USK i ni u kom slučaju ne predstavlja stanovišta Evropske unije".



RA USK će kroz implementaciju navedenog projekta uspostaviti sistem podrške javnim institucijama i privatnom sektoru. Na taj način će se stvoriti osnova za postizanje bržeg i efikasnijeg regionalnog ekonomskog razvoja.

Glavne aktivnosti u okviru projekta

RA USK će u okviru ovog projekta implementirati aktivnosti koje su podijeljene u 3 skupine:

- Podrška kantonalnim i općinskim institucijama u procesu lokalnog i regionalnog razvoja
- Stvaranje boljeg poslovnog okruženja u USK
- Razvoj kapaciteta RA USK.

Dakle, RA USK će u ovom periodu uspostaviti i staviti na raspolaganje sistem podrške svim kantonalnim i općinskim institucijama koje aktivno učestvuju u procesu lokalnog i regionalnog razvoja. Ova podrška će se ogledati u svim elementima projekt ciklus menadžmenta, od izrade lokalnih / kantonalne strategije, preko programa, pa do izrade i implementacije razvojnih projekata sačinjenih prema EU standardima. Također će RA USK osigurati prateći program edukacije za sve projektne timove u općinama i USK.

U okviru projekta RA USK će kreirati nekoliko instrumenata koji su namijenjeni malim i srednjim poduzećima, kao i svim potencijalnim investitorima u USK. U suradnji sa

drugim nadležnim institucijama, između ostalog RA USK će:

- Uspostaviti kreditno garancijski fond kako bi se omogućio lakši pristup finansijskim sredstvima od strane malih i srednjih poduzeća (MSP) u USK
- Uspostaviti Vaucher shemu putem koje će privrednici biti podržani u procesu pristupa finansijskim sredstvima
- Uspostaviti One Stop Shop - sistem podrške potencijalnim investitorima
- Uspostaviti funkcije implementacije i praćenja poticajnih mjera Vlade USK
- Potaknuti suradnju unutar ključnih industrija u USK kako bi se povećala njihova konkurentnost na domaćem i ino tržištu



- Uspostaviti sistem edukacije i tehničke podrške MSP u USK
- Kontinuirano promovirati male i srednje poduzetnike s područja USK
- Identificirati prilike interesnog povezivanja poduzeća iz USK s drugim poduzećima iz BiH i inostranstva.

Posebno je važno naglasiti da će RA USK u suradnji sa navedenim učesnicima uspostaviti jedinstvenu elektronsku bazu podataka čija je svrha skraćivanje i pojednostavljivanje procesa pripreme projekata i praćenja realizacije istih.

Ciljevi i rezultati projekta

Glavni cilj projekta je doprinijeti bržem procesu regionalnog razvoja i kreirati bolje poslovno okruženje.

Projektom će se unaprijediti kapaciteti ključnih sudionika u procesu razvoja, te će biti kreirani instrumenti i mjere podrške koje su neophodne institucionalnim partnerima u procesu lokalnog i regionalnog razvoja, a naročito pri efikasnijem iskorištavanju EU i drugih fondova. U tom smislu, RA USK će kantonalnim i općinskim institucijama osigurati podršku u procesu izrade 15 razvojnih projekata prema EU standardima i osigurati edukaciju projektnih timova u općinama USK-a.

RA USK ima ulogu koordinatora u procesu izrade strategije razvoja USK koja će biti sačinjena do kraja 2013. godine, a ovaj dokument će u mnogome olakšati upravljanje razvojem i omogućiti intenzivnije korištenje eksternih izvora financiranja razvojnih projekata.

U okviru stvaranja boljeg poslovnog okruženja identificirano je nekoliko ciljeva koji će biti dosegnuti ovim projektom:

- Jednostavniji, brži i jeftiniji pristup kapitalu od strane MSP iz USK-a
- Brži i kvalitetniji mehanizam usluživanja potencijalnih investitora
- Pružanje usluge teritorijalnog marketinga u USK
- Kreiranje i promoviranje savremenog sistema tehničke podrške MSP u USK

Na taj način, MSP u USK će na raspolaganju imati značajniju institucionalnu podršku, koja im je neophodna kako bi se ista nesmetano razvijala, a time i generirala nova radna mjesta u USK.



Projekt implementira
Razvojna agencija USK

Miroslava Krležić 2
Bihac 77000, BiH
Tel: 037/221784
Fax: 037/221784



Ovaj projekt finansira Evropska
unija

Delegacija Evropske unije
u Bosni i Hercegovini
Skenderija 3a
Sarajevo 71000, BiH
Tel: +387 33 254 700
Fax: +387 33 666 037

"Ova publikacija je urađena uz pomoć Evropske unije. Sadržaj publikacije je isključiva odgovornost Razvojne agencije USK i ni u kom slučaju ne predstavlja stanovišta Evropske unije".